

# Xaide Ighima



Akumzapu Kuchouqo  
Kiphi Kichekutsu

27



# Atsutsulo tughushichekemi momu

amulhu lo yechekemi (skydiver) lakhino kughou akiyeu hukikha lo ipeghieno ilhe iqivenikeno paye akiniu khilemu akiyeu tipau lo xaide ikughilunikeu kumovea. Li ye

kushua lo iqivea, tsutsala li no puchekeu suqho (parachute) xakhonikeu kumsumaveke aye kiunomu li xalukepu kuhaveniche, eno li ye tishi iqi ayeghi lono shoqhi thiveniche. Tiye kiutoi kumsapu kela! Tilehi

kumsapu akeuye noye ide ighieno Alhou sasus kuposhuluma. Ishi timi asale asale no pano kuxu kumsapu lo chechekeu ghili kiumu kumsujumono azukututui xu akhani. No eno nighi tipaqa ghola lakhi shi anikeshea?

Kumsapu xine huno ningu mususasu titoikeu zahkua (fate) lo ilove ani. Kimiyekeu Lhou ye kiushiye titoikeu kipimi qhitsu mlaveka? Tile mutsumishei vepililu akeu khokichile lakhi ani. Tile lajupu kije qhilukepu ghi ani. Noghi asuchedo hami akiphi kichekutsu hipau lo ghuthu lakhi thebei jupukuju lo.




## Alhou no akipimi qhitsu mlakeu xine ye kiu kea?

**“Axine jeli eno piputhakeu tsa piqhikeu jeliqo kumtsu lo timiqo kipimi qhivetsunani, ikemu Akimithe Ghungu kuthatsa piqhikeu kipimi ye khilemu qhitsu monani” (Mathi 12:31).**

**Khokichile:** Alhou no akipimi qhitsu mlakeu xine ye “Aghungu piputhakeu xine.” Aghungu piputhakeu ye kiukea? Timiqo no axine pulukeu alaghi kutomo ani. Hamino pulukeuno ghiqhikeu no axine ipi pulu cheni. Hamino pikeuno Akimithe Ghungu ghushokeu ipicheni. Hamino pikeuno panolikhi pano thsuqhivekeu ipicheni. Hamino pikeuno aza polo anga mishi akeu shipuhavekeu ipi cheni. Itaghi hamino pikeuno Khristo ikhiliumovekeu ipicheni. Hamino pikeuno akipimi kumla kije shivekeu ipicheni. Hamino pikeuno ayikusa kumla shikeu ipicheni, eno kutami kutomono pikeuno ajulho mllakeu eno kichileu ghauqo mlla keu ipicheni. Hipau shelo inju akeu lono akuvu akhoto kuphutsukeu ithulunani.





2

## Baibel lo axine eno piputhakeu ye kiu kea?

**“Axine jeli eno piputhakeu jeli kumtsu lo timiqo kipimi qhivetsunani” (Mathi 12:31).**

**Khokichile:** Axine jeli eno piputhakeu jeli kipimiqo kumtsu qhivetsunani ipi Baibel no pi ani. Inijukeu 1 lo axine jeli pipuakeqo kumtsu lo Alhou ye akipimi qhitsumlanikeu piamoe. Axine lakhi shivekeu lo kipimi qhivetsukeu eno qhitsumokeu kinikujo lo kuchou shikeu ani. Axine shivekeu pipheve aye akipimi qhivetsunani, tishimaye qhitsumonani.

- A. Axine jeli eno akuthatsa piqhivekeu jeli kumtsu akipimi qhivetsu nani
- B. Akimithe Ghungu kutha tsa piqhivekeu xine kipimiye qhitsumonani.

### Akipimi qhitsunani

qhitsumonani ipikeu tsa kinikujo Jisu no piqhi puani **(Mathi 12:31)**. Atsa hikuma ghili ithitoilovenike ghenguno ninguno Akimithe Ghungu kumla ghili phujuni.

Ghikiqhiye axine lhokusa,  
ikemu akipimi qhitsu  
kumlapu xine kumoke.

3

## Akimithe Ghungu kumla ye kiu kea?

**“Pa (Akimithe Ghungu)**

**no ayeghiqha xine, amikucho, eno kughathabe venkeu ghili kiche piyetsutsu cheni ... eno Pano ningu sasu kuchou (truth) lo ighicheni” (Johan 16:8, 13).**

**Khokichile:** Akimithe Ghungu kumla ye ningu xine ghili kichephetsuno ningu sasu kuchou lo ighicheni. Akimithe Ghungu no ningu pelo amulo pekililuvepenike ghenguno ningu lau Alhou ghini shitsu acheni. Akimithe Ghungu kichekutsu sumokeloye timi khiunomu pa xine ghenguno pa mulo kusashimonani momu timi khiumo pa xine kumla lhokusaqo launo xaide ighimo nani.



4

## Kughou Akimithe Ghungu no ningu xine kichephetsunikeno tile ningu ye akipimi qhikutsu ithulunike ghenguno kiu shimayesa kea?

**"Tsutsala ninguno ningu xineqo pipheve aye, Paye pulubekulushi eno amikucho lono ningu xine kipimiqo qhivetsunani, eno ningu mikuchokumo kumlaqo kumtsu launo ningu shikimithevetu nani" (1 Johan 1:9).**

**Khokichile:** Kughou Akimithe Ghungu no ningu xineqo kichephetsuni keno tile ningu xine kipimiqo qhivetsu penike ghenguno ningu xine kumla lhokusaqo hu pesu Pa vi lo piphevmayesa. Alhou ye ningu xine kipimi qhitsukeyo likhi kumono ningu mikucho kumoqo kumtsu launo ningu shikimithevetu nani. "Alhou ye oxineqo eno nono mlakipimiqo kumtsu okipimi qhivetsunike okhe ani" (**Leshele 86:5**). Ikemu tile okumla avehu shi ani, noye oxineqo kumtsu pesu Pa vilo piphevmayesa.



5

## Tsutsala Akimithe Ghungu no ningu xine kichephetsu akeu piphemove aye ningu lau kiu shive nanikea?


**"Pano xineqo kusuve chekemiqo ye ikoishemo nani, ikemu khiuno tipaqo pipheve eno mlamovenikeno panoye kikimiye ithulunani" (Aholetsa 28:13).**

**Khokichile:** Tsutsala ninguno ningu xineqo piphemove aye Jisu ye ningu xine kipimiqo khilemu qhitsu monani, ninguno piphevemoke kutolo khilemu ningu kipimi qhitsu monani. Kughengu axine kipimi qhikutsu ye axine shivekeu piphekeu no papecheni. Nono pipheve paghimo kelo ye khilemu okipimi qhitsu monani.

### **Akimithe Ghungu tuchilevekeu lo kumsapu kije ani.**

Akimithe Ghungu pelo olau akumla shipemonikeu lakhavekeu lo kumsapu kije akeuye, ashekha lo noye Akimithe Ghungu qhoi milivekeu lo ilovenani. Tishikeu lono Alhou no ningu kipimi qhitsu kumlapu shive cheni. Noye Alhou lau xaide ighimlakepu laghi lo huvenani.

Akimithe Ghungu likhino ningu xineqo kichephetsu puzu ningu sasu kuchou mulo pebidekeu lo ighicheni. Tsutsala ninguno tsuikhomo Pa mili auve aye tile ningu ghenguno lajupu laghi kutau kuha. Ishi khiphi kichekutsu hipau ye ningu ghenguno ighono akhotoshi ani. Alhou no Kuchoyehsu lo alaghi kutomo lono kichepiyesu eno hephopyesu ani. Nono akhiphi hipau phi akelono kuthokuzu hipaqo ghili akivishi phuluvelo.



6

## Kughou Akimithe Ghungu no ni xine kichephetsuno ningu sasu punukithekeu kuxu lo ighinikeno tile ningu ye kughou nguno mlathuve maye sakea?

**Khokichile:** Baibel no pikeuno:

- A. "Niye mtazu huthuveni, O zahkutsuqo papenikeu lo niye khilemu munuvemo nani" (**Leshale 119:60**).
- B. "Julo, itehiye ikhiluke ghuloki ke, julo, itehiye xakulu tsalake" (**2 Korinthiami 6:2**).
- C. "Noye kiu khe anikea? ithulu eno azuloputsulu velo, eno Ampeu jeh kuno oxineqo shikimitheluve lo" (**Apostolmi 22:16**).

Baibel no anguno piide akeuno kughou ninguno axine ghili ithitoiluvani keno ningu ye paikhavi ningu xineqo piphevemayesa. Eno kughou ninguno kuchou kithe ithuluvanikeno tipau khilemu munukeno ikhiluvelo.




7

## Akimithe Ghungu no ningu ghenguno pitsu akeu ghili lo Alhou ye ningu lau kiu kutughutsu anikea?

"I Ghungu ye alhokuthu timi sasu kichighi amlanani" (**Bothubo 6:3**).

**Khokichile:** Alhou no ningu lau kutughutsu akeuye Pa kimithe Ghungu ye timi lakhi vilo axine launo xaide ighiveno Alhou gholulo ipi tamono pitsumo nani.



Alhou no Noah tsala lo timiqo kutughutsu keuno Pa Kimithe Ghungu ye alhokuthu lo timiqo ghenguno pitsumlanani, Pa ye ishighi titoi shinani



8

## Akimithe Ghungu ye akiqi kiu lono timi luthu lakhi ghenguno pitsumove nanikea?

**“Tihenguno lno aholeu no panongu vilo pi anike ... kughengu panonguno chilu aniamu chimlake ghili shike ghenguno” (Mathi 13:13).**

**Khokichile:** Akimithe Ghungu ye timi lakhi sasu kuputsamove nani tsutsala timi tipauno Pano pi akeu tsa initsumove aye. Hipau ghili Baibel no pi akeuno, chilu anikemu chimlake ghili shike ipi ani. Kutughutsu keu, dokiche pesu kughuzumi kuzu chebo lo qhitsukeye adou, kiumu akiqi kuha, paye tipau ghugha chilumo nani. Titoi timi lakhino kutughutsu akeu sutsa ikhilumove aye paye khilemu idaithughimonani. Ghuthu lakhi ye kutughutsukeu sutsa chimlavekeu do ighinani.

### Akimithe Ghungu khathapheve kevalo.

Akimithe Ghungu kumla ye hitoike. Tsutsala ninguno Pa khathapheve aye ningu ye kiumu chimlave nani. Kughou titoikeu tsala ighinikeno Akimithe Ghungu ye Pa mulo imeqhiyi ningu launo wuve nani kughengu Pano ningu ghenguno pitsu akeu ninguno initsumoveake ghenguno. Tithiuye niguye Alhou lau xaide ighimlavenani.

9

## Alhou no Pa Kimithe Ghungu vechewono ningu lau akuvu suighitsu (Johan 1:9) eno ningu xine kichephetsupe (Johan 16:8) Kughou ninguno Akimithe Ghungu launo akuvu ithulunikeno tile ningu ye kiu shimaye sakea?

**“Amikuchomi nepa loye khetsunhe kuvu yesu acheni, tipauno puchomughu lo kuvu toi akuvu tsu acheni. Ikemu ayikusamiqo laghi lo ye zummai” (Aholetsu 4:18, 19) “Akuvu nongu lau akelono cheulo, tishimaye akuzu no nongu hachevenosake” (Johan 12:35).**

**Khokichile:** Baibel no piakeuno, kughou Akimithe Ghungu no ningu lau akuvu kithe sughitsukeno momu ni xineqo kichephetsukeno tile ningu ye paikhavi ikhiluvemayesa, munukevino pululuvelo. Tsutsala ninguno aghokulushi hipau laghi lo checheuve aye ningu ye akuvu tipau ikhiluve ake, Alhou no itaghi akuvu alau ningu lau puutsunani. Ikemu tsutsala tuchileve aye akuvu ninguno ithuluvekeu ghi ningu launo wuvenani eno ningu ye akuzu lo ngovenani. Akimithe Ghungu ikhilumovekeu ye Pa tsape ikhilutsumovekeu ke. Tithiu ye ningu lau lajupu kiumu kuhave nani.



## 10

## Kiu kiu xine pimu shivekeu ye Akimithe Ghungu ghochileveake shea?

**Khokichile:** Tsutsala ninguno kiu kiu xine shivepimu tipau pipheveno idewo tipau mlaide auve aye tile ningu ghenguno xaide ighilukepu laghi kuhavea. Akimithe Ghungu ye olau ide ighieno ovilo piidetsumo nani. Hile Baibel kichekutsu hami ani:

- A. Judas kipimi qhitsumlavekeu ye alakimine xine shivekeu ghengunoke (**Johan 12:6**) Kushiye kea? Alhou ye timi kipimi qhitsu chemoke ghenguno keshea? Kumoe. Judas no Akimithe Ghungu no pa xine ghili kichephetsukeu pano pipheveno idewo tipau mlaidemoveke aye pa kipimi qhivetsuni che, ikemu pano tishimoveke ghenguno pa kipimi qhitsu kumlapu shive. Ashekha lo paye Akimithe Ghungu no pa vilo pikeu tsa qhoi tuchileve.
- B. Lucifer kipimi qhitsumlave keuye (**Isaya 14:12-14**) Alhou ye pa kipimi qhivetsu kulupu shia, ikemu Lucifer no Alhou tsa tuchileve, titiuiye Akimithe Ghungu ye pa lau ide ighieno pa vilo pimove.
- C. Judahmiqo kipimi qhitsumlave keuye panonguno Jisu ye Messiah ke ipikeu tuchilve (**Mark 3:22-30**) Jisu no Messiah ke ipikeu tsape ghuthu kutomo panongu vilo pitsu. Paye Akuxupu Lhou Nu lakhike ipi pitsu, ikemu panonguno pa kheileve. Pa likhino panongu Xachilekuluu Ampeu ke ipikeu panongu no ikhilumove. Ashekha lo panonguye Akimithe Ghungu sutsa chimlave. Ashekha lo Pharisimiqo no Jisu ye Satan launo akuka ithuLuku pe anike ipive. Ashekha lo panonguye Jisu lau xaide ighilukepu laghi kuhave. Kughengu panongu ghenguno pitsu akeu Akimithe Ghungu thaveke ghenguno. Panonguno xaide ighiveke aye Alhou ye alokivishi panongu xine kipimiqo qhivetsuni cheke. Panongu kukeu hu panonguno tuchileveke ashekha loye panongu ghenguno kiu lajupumu kuhave.

### Shekichile ye ningu ye kishelumla

Kughou Aghungu no ningu vilo injukeno ninguno tipau khochilelunani, maye tuchilelevelunani, ikemu tipau shekichileye ningu ye kishelumla nani. Tipaqo ye kimichipe qhiveake. Tsutsala ninguno tipau lo akumtoshi eno iqemono puthugholuve aye, ningu ye Jisu kimihi shiluvunani, Akimithe Ghungu no ningu ye Alhou nuliquo shiluve ake ipikeu michipu lakhi ningu kishelo chishipukuvetsu nani (**Piyekusu 7:2, 3**) eno ningu ye kungugha kukaqha lo ngolukepu a ithulunikeu mutsuqheiveake. Ikemu tsutsala ninguno tipau tsuikhomu tuchileve aye ningu ye Akimithe Ghungu loshipusuvetsuake. Paye ningu qhivenia, eno ningu shou puhavenikeu michipu chishipukuve tsuno wuveniake.



11

## Akukau David ye axine mlakisheve-salhave eno ghiqhive. Tithu paye kishi inikhukea?

“O Kimithe Ghungu l launo ikhichileluvetsu kevalo” (Leshele 51:11).



**Khokichile:** Paye Alhou vilo Akimithe Ghungu pa launo ikhichile luvetsu kevilopi inikhu. Kiu shiye? Kughengu David no ithi akeuye Akimith Ghungu no pa qhivkemtsa tipau suchedo lono paye puhavenikeu mutsuqheiveke pano ithiveke. Akimithe Ghungu likhino pa mulo pebidetsulu nani eno pa xaphelutsunani ipikeu pano ithive. Akimthe Ghungu no pa lolo pa xine kichephetsu akeu pano tuchilevenikeloye paye puhavenikeu mutsuqhei akeu pano ithive. Baibel kutau lakhi lono ningu vilo pi akeuno, ashekha lo Alhou no Ephraim likhi qhive, kughengu pano ajulho kumlla lo wuveke ghenguno (Hosiya 4:17). Paye Akimithe Ghungu tsa initsumove. Paye aghungu lo kini ibove. Timi lakhi ghungu lau kumsapu akeu ye hike, Alhou qhiveno pa likhi wuveke. Alhou kupulumiqo ye khilemu hitoikeu shikevilo.

12

## Paul no Thesaloniami kukuhou lau kiutoikeu kumsapu zah tsukea?

“Akimithe Ghungu pinhekevalo”  
(1 Thesaloniami 5:19).

**Khokichile:** Akimithe Ghungu no timi lakhi mulo lo eno pa kukumusulo lo ami pesu piti aketoi pisutsu acheni, eno axine huno titoi azu pesu Akimithe Ghungu itsupinhevetsu acheni. Paul no mutsumishei keu tsa hipau pesu Thesaloniami akukuhou lau pikeu hu ishi ningu viloghi pi anike. Akimithe Ghungu no ami toi ningu mulolo kiu pitsu anikeno khilemu ghapinhevekevalo. Tsutsala ami tipau no inheuve aye ningu ye xaide ighilukepu laghi kuhavenani.

### Kiu kiu xine shi aghiepinamu tipauno ami iquakeu toi ghapinhevetsu nani

Axine piphemono kusupe qhivkeu huno Akimithe Ghungu ghapinheve acheni. Hipauno Alhou Kimithe tsala akutsunini Sabbath pinyi nikeu tuchileve chenipe. Hipauno timi pelo akuputsuji shouve chenipe. Hipau no timi lakhi pelo pa kusau kipimi qhitsumove chenipe. Jechuvepe, ghiqhivepe, eno mithemuzumokeu kuxu lo ilove chenipeke. Hipauno Alhou w saje achighiu hu pukachuve chenipe. Akimithe Ghungu no pa lolo pitsu akeu tuchileve eno ghapinheve cheni. Akimithe Ghungu mi kughuqu tipau khilemu tuchileve eno ghapinhevekeu shikevilo. Khristomi lakhi kuxu lo Kumsapu eno ahakusapu hipau nguno alau kutauye kiumu kuha.







13

## Paul ye Thesaloniami akukuhou lau kumsapu kutau kiu ghi pitsukea?

**“Puhavekemiyo gholo amikuchokumo pishikiqi kutomo ani, kughengu xalunikeu kuchou kikimiye hu panonguno tuchileve, tighenguno Alhou no panongu lau akumto pishikiqi puuvetsu, eno panongu pelo akimiki tsa puluuvepe, eno kuchou tsa pulumono amikuchokumo puluuvekemiyo ye puhave”**

**(2 Thesaloniami 2:10-12).**


**Khokichile:** Alhou tsa ye kiutoi akukakughushu eno thughuikupu kela! Alhou no pi akeuno, Akimithe Ghungu no kichetsukeu kuchou ikhilunike tuchilevekemiyo lau- kughou Akimithe Ghungu no panongu qhivenikeno tipau mtsa lono panongu no kichileu hu pesu hino kuchouke ipi ikhiluno tipau puluuve nani. Tiye kumsapu lakhike kumokeshea?

14

## Hitoikemiyo shou kiu kishi kughathabe nanikea?

**“Tipau tsala lo kutomono, Ampeu, Ampeu, ningu ye 0 jeh lono tungkuputsa picheke kumokeshea? 0 jeh lono tughakusa haphewe cheke kumoke shea? Eno 0 jeh lo akichiqhikepu kumla kumzapu shicheke kumokeshea? ipinani, ikemu Ampeu no panongu vilo, Niye nongu khunokeno mthae, I launo wuvelo, nongu ayezha sumono xuchekemiyo, ipinani”** (Mathi 7:22, 23).

**Khokichile:** Ampeu, Ampeu, ipi igha chekemiyo khathapheve kelo tile panonguye shishe akichiqhive nani, kughengu panongu ghi xakulu ithulunanikepi mlacheke ghenguno. Akimithe Ghungu no kiu kuchou pesu panongu tsukeno, eno panonguno kishi tuchilevekeno tipau ghili Ampeu no mtsumishei panongu lau pephe piyesutsu nani. Hiye kuchou eno mutsuqhei keuke. Panonguno Xakuthami shinikelo hipauno puthotsu panongu mulo lo kutakihighinani. Panongu mulo lo kishi pitipuzaqhi nanikela! Ashekha lo panonguno “Moe” ipivenani. Akimithe Ghungu no panongu mulo lo pisutsu akeu initsumove nani, tile panongu lau akumto pishikiqi ighinani eno tipauno panongu sasu puhavenkeu lo ilove nani. Kiutoi kumsapu kela!



15

## Ningu ye puhavenikeu lo aniamu nikutoshi ningu ye xaveveakepi pulu chekemiqo lau Jisu ye kiutoikeu tsape pesu kutughutsu anikea?

**"I vilo Ampeu, Ampeu, ipichekemiqo kumtsuno kungugha lo ilolunike kumo, ikemu khiuno I Puh kungugha lo kua pulou shinikeno tipano likhino ilolunani" (Mathi 7:21).**

**Khokichile:** Jisu no akhotoshi kutughutsu akeuye, Pa kukaqha lo ilolunanike ipi kumsu chekemiqono kumo, ikemu Apuh pulou shichekemiqo likhino ilolunikeu kutughutsu ani. Ningu kumtsu xachilekulu lo ilolunanike pi kuchou shi pulu acheni, eno Alhou ye ningu xalutsu nanikepi pulu acheni. Tishi aghiepinamu ishi ayeghiqha lo Khristomiqo no tamono axine kuxu lo xu ani, eno tipaqo launo xaidesu Alhou lau ighivenikeu kupulo ye kuha.

### Jisu no tipau zu-mulhu mutsumishei shivetsu ani

Jisu no pi akeuno, Apuh pulou shichekemi likhino tile ilolunikeu pi ani. Kughou ninguno Jisu no ni kuxu Mpeu eno ni kuxu lo yehkipeu lakhike ipi ikhilunikeno ni kuxu gholaqo hu pekilibulvemayesa, tishieno ningu ye Pa kupulu lono lhoux akithew lakhi shiluvemayesa" (2 Korinthiami 5:17). Ningu ye alokivishi Pa zahkutsuqo papemayesa (Johan 14:15). Pa kupulo shikuputsu eno Pano khilau ningu sasu wunikeno tilau Pa papesu wumayesa (1 Pitor 2:21). Pa lau akichiqhikepu xachilekulu kuka akeu ikhilumayesa (Filipiame 3:10) Pa julho lo pekilibulvemayesa (2 Korinthiami 3:18) Pa jukuvu lo lokughunopu ni kuxu lo qole aghimayesa (Johan 14:27) Pa Kimithe Ghungu vechewo Jisu pelo ningu lolo xu aghipemayesa (Efesiami 3:16, 17) Tishiaye ningu ye thime thokha shilunani (Filipiame 4:13) eno tilehi tokumlapu kiumu kuha (Mathi 17:20).

### Kuchoushi piqhikeuye kuchouno shikupunani

Ni Xachilekuluu no khileu ningu sasu wunikeno papeni, Pano piqhi puakeu no khiunomu Pa wu lono ningu ikhisuue mla (Johan 10:28) Akuxupu kutsukuqho ningu sala kutopuatsu ani (Piyekusu 2:10) Jisu no Pa khopemiqo lau piqhi puakeuye akumzapu, ajukuvu eno kuchouke. Jisu no kuchou piqhikeu toi Satan ghi kichileu piqhi cheni eno timiqo sasu Alhou no kughathabekeu lo ighicheni, eno puhaveamu panongu ye xaluvae ipi pulu achenipe (Aholetsa 16:25).



16

## Alhou ye pulubekulushi Pa pape chekemiqo lau kiutoikeu tushoqihi piqhi puanikea?

**"Pa Khiuno olau akumla kivi huthutsukeno Jisu Khristo tsala ighimoke kutolo Pano tipau mlakishekhavetsu nani ... kughengu Alhou no opelo Pa pulou eno Pa mulokiipu kumla shitsu penike ghenguno mlatsu acheni" (Filipiame. 1:6; 2:13).**

**Khokichile:** Alhou she! Khiuno Jisu pesu pano kuxu lo pano Mpeu eno pano shou Ayehkipeu ke ipi ikhilu achenikeno Jisu no akichiqhikepushi panongu xaphelutsuno panongu pelo lhokta kukaqha lo ilolupenikeu piqhi puani.

17

## Jisu ye ningu lau kiutoikeu jukuvu tsuniepi piqhi puanikea?

“Jul, Ino ahukikha lo puthughono kukhu ani, tsutsala khiuana l sutsa chiluno ahukikha khaqhi aye Ino pa lau iloghini eno pa gholo aghulhu shini, eno pa pelo l gholo ilhupeni” (Piyekusu 3:20).

**Khokichile:** Tsutsala ninguno ningu mulo hukikha khaqhipe Pa tsu aye Pano iloghinani. Pano Pa Kimithe Ghungu vechewono ningu mulo hukikha kukhu ani. Pa Khiu kukamiqo shou Akukau eno ayeghiqha Xachilekuluu keno Paye tamono ololo iloghinishi acheni. Kimiyeno akusami lakhi toi oxuju ighinishi acheni, tuchomujotsu eno akukutsu tsa otsunishi acheni. Ikemu ninguno aghuzushi Jisu kimiyemove eno Pa sasu Akusau shinikeu lo amulo tsumoveno ni kimighi mighi auve cheni. Jisu sasu Kusapau shiluveku lono ighiniye akeu kughathabekeu tsala lo kumsapu akeu tukhalu eno tuchilelanani. Jisu no Pakutoshi Pa yehkipeqha lo alokivishi panongu sasulunani (Mathi 25:34).



18

## Jisu no ningu mulo hukikha lo kukhu akeulo noye Pa khaqhisu nishi anima? Eno Pano khilau osasu wunikeno tilau Pa papesu wunishi anima?

### Nono khochilenikeu:

#### Kishekha tsa lakhi

Akiphi 27 lo kipi hipauno ashekhu shivea. Ni kupulo kije akeuye ninguno kiu phi ighiveakeno tipaqo huno nongu sasu Jisu nhekithe lo ighilunanikepi pulu ani. Akiphi hipaqo vechewono Jisu sasu pakutakeu lono kuthsukimelu anikepi pulu ani. Akiphi hipaqo phikeu vechewono tsala pekighi lo Ampeu sasu kuthsukimelu ani eno Pano ide ighikelo ningu kumtsu Pa gholo wulunanikepi lajupu kije shi ani. Tsutsala ninguno ayeghi hipau loye kujuthimla pimu ningu Atsala Akijeu tipau lono khungkusu lono kusholunike pulokuqha ani nolo. Tsutsala nonguno kungugha lo wuchekeu laghi lo ghili kiuana ningu vilo injukepushi aghiaye ningu lau yehpuu momu kusutsa lo.



# Nono Iniju Keu Khochiletsu Ani

## 1. Baibel no pike Alhou no Pharaoh mulo shikumkavetsu ipi (Ipekulu 9:12) eno tiye achipi kumokepu toi, tipau kiquye kishikeu kea?

**Khokichile:** Akimithe Ghungu no timi kumtsu mulo lo pisutsu acheni. Khetsunhe kuvu huno timi kumtsu shou eno thime kumtsu shou yepukutsu akeu toi (**Johan 1:9**). Khetsunhe no thimeqo phumkave eno phukighiyive cheni. Akimithe Ghungu no ningu timi kitila keu mulo lo pisutsu cheni eno pututano kiu khochilekeno tipau kiqu lono mlatsu acheni. Tsutsala ninguno Pa kupulo kiqu lono khochile aye Pano ningu mulo vakumthsatsu eno ningu kuxu pekilvetsu nani (**1 Samuel 10:6**) Ikemu ninguno Pa tsa tuchileve aye eno lakhave aye ningu mulo ghi mukamghaive nani (**Zekharja 7:12**).

### Pharaoh no khochilekeu

Akimithe Ghungu no pa mulo lo pisutsukeu Pharaoh no tuchilevekeu lono pa mulo mukamughaive (**Ipekulu 8:15, 32; 9:34**). Baibel no pi akeughi Alhou no pa mulo shikumkavetsu, kughengu Alhou Kimithe Ghungu no pa mulo lo pisutsu akeu pano tuchileke ghenguno-khetsunhe no aghani phukumave cheku toi Alhou no pa mulo shikumkavetsuke. Tsutsala Pharaoh no Alhou tsa tuchilevetsumoke aye khetsunhe no kiutoi aghugha phukighijivetsu chenikeno titoi Alhou no pa mulo vakumthsave tsuni cheke.

### Judas ngo Pitor pama ghili

Khristo khopemi Judas ngo Pitor pama ghi hipau kumla tho mlake. Pama kinikujo kumsapu kipimi shive. Laksi no Jisu jechuve, eno lakhiuno Jisu ghili pitsumove (Jisu thave). Pama kipimi khikhuno alhokusau kea? Khiuno pilunani kea? Akimithe Ghungu no pama kinikujo lolo pisutsu kelo Judas mulo ye atu toi mkamughai kithewe. Ikemu Pitor ye ikhiluve eno pa mulo vakumthsaluve. Paye pa mulo pekiliive, eno athiuye atsakiviu kumla lo atsukupumi ighono kije lakhi shiluve (**Zekharja 7:12, 13 lo phijulo**) Hileno Alhou Ghungu no pisutsukeu ikhilumovekeu lono pano mulo shikumka vekeu ghili kichetsu ani.

## 2. Aghokulu shinikeu kishelumphu zuu amichipu kuana piyesulopi khulu nanikeshea?

**Khokichile:** Puloshoghi akitheu lo Jisu no amichipu khukemiqo lau hitoi kutughutsu ani, "Alhokusa eno asalha tiqheligono amichipu kiuana tsunimolapi phuju acheni (**Mathi 12:39**). Pano Kuchoyehsu aqau lo tsa ikhipheluno panongu kutsupiyee eno shikumtotsu. Tile panonguno Pa kukutsu tsaqo vethaluve. Pano amichipu kumla shikeqo pharisumiqono ithulu, tishimu panonguye Pa tuchileve. Athiu Pano hitoi panongu vilo pi, "Tsutsala nonguno Muse no, eno tungkupumiqo no pipuwopuatsukeu chilunishimo eno ikhilunishimoaye kithilauno kithimi xuchile ithughieno nongu vilo piepinamu initsumonani" (**Luk 16:31**). Baibel no pi akeuno "thime kumtsu Baibel pesu thejulo" ipi ani (**Isaya 8:19, 20**). Tsutsala ninguno Jisu pulou shitsu eno Pano kiu pikeno tipaqo pape aye Pano ningu kuphu tsuno ningu pelo kuchou ngo kichileu vethakututa shilukepu lokutsu tsunikeu piqhi puani (**Johan 7:17**).

## 3. Tile akighini khochiletsumo keu do shivenani keshea?

**Khokichile:** Iye. Tsutsala timi lakhino paye Alhou (**Leshale 66:18**) gholu amokeu ithipulaghi tsuikhomu Alhou vilo pa kumughatsu lopi inikhu, ikemu pa kuxu ye pekilinishimo aye, pa kighini ye amekuha. Alhou no pi akeuno, pa kighini khochiletsumo kumo puzu pa kighini ye Pa gizu lo kuchhubekupu eno aphukumqhupu lakhi" ipi (**Aholetsa 28:9**).



#### 4. Niye Akimithe Ghungu tuchilevea, eno akipimi qhikutsu ithumlaveake, noye I kuphutsulu nanima?

**Khokichile:** Noye Akimithe Ghungu tuchilemphi. Noye Akimithe Ghungu tuchileveakenike ipi kumsukeu kethono. O lolo kiu kukumusu iloghi anikeno tiye Akimithe Ghungu no ololo pisutsukeuke (**Johan 16:8-13**). Tsutsala Akimithe Ghungu no o qhive aghike aye o mulo lo hitoikeu kukumusu iloghimoni cheke. Olokivi shilo eno Alhou akishe tsu alo! Itehiye okuxu pesu Pa tsuvelo eno ighinikeu tsalaqo kumtsu lo akighini gholono aghokulushi Pa papelo, tishiaye Pano tokulu otsunanike (**1 Korinthiami 15:57**), o xaqhe nani (**Filipiame 2:13**) eno osasu wo Pano ide ighikelo sulupe nanike (**Filipiame 1:6**).

#### 5. Apiti kive holetsa lo, Luk 8:5-15 lo, apiti alaphelo vesuve eno aghauqono ighieno mighive ipikeu ye kiu kiqukea?

**Khokichile:** Baibel no pi akeuno, "Apiti" kiqu ye Alhou tsa, alaphelo ipi akeu kiquye atsa tipau timiqo no chilu, ikemu tughamiqo no ighieno panongu mulo lono atsa tipau ikhisuuvetsu, tishimoke aye panongu ye atsa tipau chilu eno ikhiluveni cheke (**Luk 8:11, 12**). Jisu no kiche ningu piyesu akeuno Akimithe Ghungu no kiu ningu mulo lo pisutsu anikeno tiye ningu lau akuvu kithe Kuchoyehsu lo tsake. Ninguno tipau ikhilu eno tipau kiqu lono mlamayesa. Tishimove aye Satan no atsa tipaqo ningu mulo lono ikhisuuvetsu nani eno ningu pelo atsa tipaqo kumsumavepe nani eno puhavekeu lo ilovenani.

#### 6. Ampeu no Mathi 7:21-23 lo "Niye nongu mthae" ipi timiqo vilo pikeuye kishieno tishi pikea? Ino kumsulu akeuye Alhou ye timi kumtsu ithi ani eno thime kumtsu ithi anike kumokeshea?

**Khokichile:** Ningu no ayeghi lo kusa-pami sasulo alokivi-alokusu, shilukivi shilukeusa kusajye chekeu toi Alhou ghi Pa wu timi Pa kusami khiunoqono akighini lono eno Baibel lo Pa tsaqo phieno Pa sasulo kuposhukemi ani. Jisu no pi, "Nongu ye I kusamiqoke, tsutsala nonguno lono ahzatsukeqo pape aye (**Johan 15:14**). Ampeu no Mathi 7 lo pikeu tsa ye Akimithe Ghungu no panongu mulo lo pisutsukeu tuchilekemiyo vilo pikeu tsake. Panonguno axine shivepimo xalunanikepi kumusu, momu akumla kivi shikeu lono xalunanikepi kumusu chekemiyo vilo pikeu tsa ke. Panongu ye pano do kivi pesu Ampeu tsumoveno pano ghengu likhi kumsuue, tighenguno Ampeu ghi panongu sasulo kuposhunikeu shimove, eno panongu mthaveke. Panongu ye Pa wu luthu kusa pamike ipimlaveke.

#### 7. Noye Efesiami 4:30 lo hepho piyesutsulu nanima?

**Khokichile:** Atsajo hipau lo pi akeuno, "Alhou Ghungu loshipusutsu kevalo, Pano nongu qhuchilelunike tsala lo ghenguno nongu shou amichipu chishipukuvetsuake." Paul no hile pi akeno Akimithe Ghungu ye thumphi (Person) lakhike ipi kiche piyesutsu ani. Kughengu aloshipusuvetsu keuye luthu lakhi lau shikeu pichenike ghenguno. Hile ninguno akhoto lakhi ithilukepushi akeuye Khristo Kimithe Ghungu ye Pano atsape pesu wo tsukelo timiqo no tipau milivetsu eno ikhilutsumovekeu lono Pa loshipusuvekeu kije shivecheni. Akusami apami kumtsa mlakuqhani ipi kutsaqhave puzu hephovekeu lono aloshipusuve no alhokuthu lo kututa shivekeu toi, Akimithe Ghungu no ningu lau pitsu eno kichetsu akeu tamono tuchile auve aye Paye ningu sasulo kutsukimemove eno kuposhumove nani.

**Hilehi okukumsu eno injuakeu pitsulou**



15



16



17



18



19



20



21



22



23



24



25



26



27

## Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiqo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekilivetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsulo:  
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

**Form tipau pichivenikeu ghenguno kimiye pu “Adobe Reader” peithalo.**

- 1) **Kiu kiu xine pimu axine shivekeu ye akipimi qhitsumlake (1)**  
Iye Moe
- 2) **Akimithe Ghungu lau axine shivekeuye (1)**  
Ghikiqhi  
Alhou ghushokeu  
Akimithe Ghungu kumla tuchilevetsukeu
- 3) **Akimithe Ghungu ye axinemi launo Pa mulo imeqhiyi wuve cheni, kughengu (1)**  
Akimithe Ghungu ye akumla kutau ghi mlakepu anike ghenghuno  
Akimithe Ghungu ye axinemiqo lhoayeh  
lhokusa ghenguno panongu shou amikucho  
loghukighide pukuve cheni  
Alhou no Pa vilo akumla kutau ghi shilopike ghenguno  
Axinemiqo no Pa kukutsu initsumoveke ghenguno
- 4) **Nono tamono axine shiide auvekeu lono Akimithe Ghungu ghapinhevecheni (1)**  
Iye Moe
- 5) **Kiu kiu xine pimu, momu Alhou kuthatsa piqhivekeu shi aghiepimu tsutsala nono (1)**  
Tsutsala nono tamono inikhu aye akipimi qhivetsunani  
Akupulu lono tipaqo pipheveno tipaqo mlaidemove aye akipimi qhivetsunani  
Atsala pungu tsugho kutolo kukhuno inikhu aye akipimi qhivetsunani  
Pulubekulushi Pa ghili thopi tsuaye akipimi qhivetsunani
- 6) **Akimithe Ghungu kuka no kichetsumo keloye khiumu pa xine ghenguno amulo imekeu shimonani, momu amulo pebidekeu shimonani (1)**  
Kuchoe Kichileue
- 7) **Xachilekulu pesu tsuni ipi piqhi puakeu hataloye xachilevekeu ghi shive cheni, kughengu hamiye mutsuqhei xaluveake ipike thiughi puhavekepu kumla shive chenike ghenguno (1)**  
Iye Moe
- 8) **Johan 16:8, 13 lo tsupuakeu kiqu lono Akimithe Ghungu kumlaqo phujulo (2)**  
Alekiphe I shikake  
Tungkuputsa pikeu gho I tsuke  
I pelo alokivi shipeke  
I xineqo kichephetsuke  
I sasu kuchou lo wuke
- 9) **Kughou Akimithe Ghungu no kuchou kithe (new truth) kiche I piyetsukeno, momu I kuxu lo xineqo kichepe I piyetsukeno tile niye (1)**  
Pastor vilo hipau ghili injuni  
Akukumusu kusu shikipivimi vilo pijuni  
Alhou vilo amichipu lakhi khuni  
Kiumo kumsukimighei mono Aghungu no kichetsukeu papeni  
Pisa muno lakhi pesu kapukuno asaqlijuni
- 10) **David ye kushiye Akimithe Ghungu pa launo ikhiluvetsu kevilopi khukea? (1)**  
Kughengu pano alebo hekughugha keu lo Akimithe Ghungu no pa kuphutsu chenike ghenguno  
Kughengu Akimithe Ghungu no pa kuxu luvetsunikeu kumsa ghenguno

# Akughukhou lono hephotsu akeu kibewo ani

Kughengu Akimithe Ghungu no pa qhiveno wuwe aye paye puhaveno sake ghenguno

**11) Mathi 7:21-23 lo timi lakhi no akumzapukumla shilu ani, tughami haphelu ani, Jisu jeh lono tungkuputsa pilu ani, eno pakutoshi paye Ampeu ke ipi anikemu paye kughathabekeu tsala lo xalukepu shimove kelo Jisu ye akhoto kumla kiutoikeu shilopi pipunanikea? (1)**

Thopi tsukeu kumla kutomo shilo pipuani  
Aqoaho gholono kumzapushi inikhulo pipuani

Tamono akhuamuzu shilopi puani

Tamono kuhou chelopi puani

Apuh kungugha lo kuau pulou shilopi puani

**12) 2 Thesaloniami 2:10-12 kiqi lo kuchou tuchilevekemi lau kiu shinaniepi puanikea? (1)**

Panongu xaluniepi puani

Panongu vilo kumsuidejulopi puani  
Alhou no panongu pelo akumto pishikiqhi puluvepe nani

**13) Kughathabekeu tsala lo Ampeu no panongu vilo “Niye nongu khunokeno mtha” ipi keu kiqiye kiukea? (1)**

Paye timi khiukeno mthakeu kiqike  
Aju ye ithi anikemu ajeh mthavekeu lonoke  
Timiqo no Pa sasu luthushi kusa-pau shi kuthsukime mokeu lonoke

**14) Puloshoghi Akitheu lo timiqo no amichipu khukeu ghenguno panongu sakiyike (1)**

Iye Moe

**15) Noye Jisu no Pa Kimithe Ghungu vechewono ovilo kiu pikeno tipau ini eno papenike pulo anima?**

Iye Moe

**Kungu inju puakeqo achipilo khochile tsulo!**



AMAZING FACTS  
India



**Tilehi kihisuvani keghenguno oje, email eno thepiu kikihi sulou.**

Owu akiphi kichekutsu KUMUSA no ithuluni keghenguno “Sulou” lo inalo.

<b>Oje :</b>	<input type="text"/>			
<b>Owu Email :</b>	<input type="text"/>			
<b>Thepiu kikihi :</b>	<input type="text"/>			
<b>Okungo-a :</b>	<input type="text"/>			
<b>Aphugui, District :</b>	<b>State :</b>	<b>Aghaqhu :</b>	<input type="text"/>	
<b>Pin :</b>	<b>Apunu mpe amqo:</b>	<b>Gender :</b>	<input type="text"/>	

Anile shi no kusutsa nikeu tipau tsulou